

144
Ubi m... sic... lo... le... d... b... o... c... e... n... e...
Lip... p... i... c... b... c... r... l... o... d... a... s... i... u... s... t... u... r... a... s...
D... a... -C... a... v... i... l... s... w... i... c... a... m... i... u... m... i... n... y... c... o... c... i... c... i...
144

JUSTA FUNEBRIA
Magnifico, Nobilissimo & Amplissimo

VIRO
DN. SIMONI
SCHULTZIO,
Reipubl. Thorunensis PræCoS. Seniori

Meritissimo,

ac Ministerii Evangelici Directori

Gravissimo,

Ipsò exequiarum die 21. Junii,

Anno 1708.

Ex debito solvit

MINISTERIUM THORUNIENSE.

THORUNIENSIS

Impress. Johannes Conradus Rügerus.

manu

gen der ver...
i. Frauen zu
igart.



Um mala, sic scelerum poenas poscente
Jehova,

Publica per longas invaluere moras:
Præ-Consul Senior venerandus, coelica
captans

Gaudia, Thorunium tristā valere jubet.
Gratulor hafce vices. Tu sed *DEUS* optime, nobis
Afflictis faveas! Almaque pax redeat!

Funus
Patroni sui vere benevoli paucis moestus
Comitatur

EPHRAIM PRÆTORIUS,

Ecclesiar. Thorunensium Senior.

Qui tum non potuit, quando tristissima circum
Multa cohors Natæ luxerat exequias,
Flebile ad illius monumentum tendere mæstus,
Cum nimis afflixit mœror acerbis eum.
Nunc charus Genitor placida cum morte recedir,
Ex ævi spatio, cernere quisque potest.
In tumulum Natæ, iam rite parasse sequelam
Extincto mortem, quod cupiebat amor.
Hoc tamen haud exoptavit mæstissima Conjux,
Hanc non optabant, pignora chara diem.
Vivere dignus erat, semper vox publica clamat
Et privatus ait. Vivere dignus erat!
Fulcrum etenim Solidum fuit hic urbisque domusque,
Ast si evit fulcrum perdere nemo lubens.

Nam

Nam semper quamvis aliena negotia centum
Per caput & circa personuere latus,
Perstigit ille tamen veluti Marpesia cautes,
Adverlus cunctas mente tenace vices.
Perstigit & vegetas vires adamantius alter
In longos valuit rite locare dies.
Civibus unum Oculum, Sobolique dicaverat unum
Cresceret in similes quo urbsq; domusq; modos.
Nilus vicinæ non tot fert commoda genti,
Urbi hic quot Consul commoda fida dedit.
Mystæ Sacrorum, qui lugent fata Beati,
Patronum nequeunt sat celebrare suum.
Ast quia decessit: Sit pro solamine vobis
Lugentes, tantum Vos decorasse Virum.
Excelsam Cœli, qui nunc ascendit in Arcem,
Qua vitæ æternæ præmia Sanctus habet.

Hac debiti honoris

Ergo

Præsidi Emerito Ministerii nostri apponere,
voluit & debuit

MICHAEL Ringeltaub.
Ecclesiastes Neopol. Sen.

Sistite ploratus, Lugentes, tollite lessus
De terra migrat Schultzius, haud moritur
Octo annis Præ-Consul septuaginta peractis,
Ipse satur vitæ migrat ad astra Soli.
Non referam curas, exantlatosque labores,
Quos post fata etiam patria nostra colit.
Expers curarum, vacuus nunc mole laborum,
Langvida quo tumulo molliter ossa cubent.

Hac

Hâc tristi regitur Prä-Consul Schultzius urnâ,
Virtutes prohibet gloria læta tegi.

*Ultimo honori Magnifici Prä-Consulis
scrib.*

GODOFREDUS WEISSIUS,

ad D. Mar. Ecclesiast.

Dfuncti lauro redimebant tempora gentes,
Cum vellent solito condere membra solo.
Tunc Cæsar quidem qværit: mihi dicite causas,
Cur caput extinti laurea serta tegant?
Reddiditista Bias: Quia nunc mœrore carentes
Pressuras mundi deseruere meras:
Quodsi turba suos vitali lumine cassos
Ethnica, funerea lethæ recondit humo,
Qui tamen immanis Plutonis regna subibant
Protinus, & quibus est janua clausa poli;
Cur nos Christicolæ funus ploramus amici,
Qui p्रò loca terris jam meliora tenet,
Nos quibus est Christi promissa potentis imago,
Et datur æthereas scandere posse domos.

*Inter tot suspiria
piis meritissimi Patroni manibus gemens
debebat*
MARTINUS OLOFF,
Ecclesiast. Polon. ad D. Mar.

Occidit heu! SENIOR PRÆCONSUL THORUNIENSIS,
Hinc justi nobis causa doloris adeſt!
Occidit heu! PATRIÆ PATER: Hic, qui vinceret Annis
Nestoris annosī Secula, dignus erat.

Prima

Prima cui Christus, Verbum illius altera Cura,
Proxima, cui Themidis Sacra fovere, fuit.
O Venerande Senex, morbo lassate diurno,
Quid Tibi jam requie gratius esse potest?
Nullum jam studium Te, nullaque Curea fatigat,
Nec lassat pariens tædia multa Labor:
Armorum strepitus requiem non turbat acerbus,
Nec Corpus functum Sors inimica premit.
O Te Felicem! coelestis gaudia Vitæ
Percipis, & Cœli celsa Theatra colis!
Omnipotens DOMINUS reliquos Proceresque, Patresque
Conservet sanos incolumesque diu?

lugens apposuit
SAMUEL Schönwald.
Eccl. Neop.

Anno, quo suspiramus:
NÜLLa saLVS arMIs: XerXes rVat! VnDiqVe sit PaX! 1708.
Et quo monemur:
FiDe Deo: spera: sIC bene CeDit opVs! 1708.

Si quondam licuit moestas effundere voces,
Ac nimium lacrymis ora rigare piis,
Jam demissa decet lugendo corda gravare,
Jam dare moestitiae publica signa licet.
PRÆCONSUL noster, dum letho lumina claudit,
Corpus & exanimum terra paterna capit.
Clarus erat meritis, summa pietate nitebat
Justitiæ magnus CVLTOR & AVTOR erat.
Hunc Curatorem sensit Respublica, Templum,
Et Schola: Quid potuit promeruisse magis?
Publica præposuit privatæ commoda vitæ,
Constanti coluit pectore jussa DEI.
Illius emicuit Domini prudentia vulgo
Nam poenas verbis miscuit ille bonis

Jure

Jure VIRVM tantum moerens Ecclesia plangit;
Præsidio Dominum flet viduata Domvs.
Jure VIRI tanti mortem deplorat amicus,
Et cives cuncti, Pieridumq; cohors.
Sed cessent lacrymæ: nulli pugnare licebit
Adversus summi firma statuta DEI.
Mortuus in DOMINO, DOMINO nunc vivit in ævum;
Ad DOMINUM rediit Spiritus unde fuit.
Nec periit, coeli sed vivit in arce beatus:
Et resonum gestu pangit ovante melos.

CHRISTOPHORVS RAZKI.

Eccles. polon.

Quamvis afflictis addenda afflictio non sit;
Ut fas ac æquum est, juraque sancta vetant.
Cædere non etenim licitum cum prole parentem,
Ex uno grave sat vulnere vulnus erit.
Rebus in humanis tamen hæc non lege ligatur
Is, qui tam vitæ quam necis est Dominus.
En! quale hoc fatum Cognatio Schultzia sentit!
Nam querit los lessus tibia moesta facit.
Terræ mandari Natam dedit haud ita pridem,
Iam Pater ipse Senex contumulatur humo.
Sicque dolor, gemitus, sociatur moesta querela,
Tota Patrem dolet urbs! Major & inde dolor!
Sufficit; à Domino veniunt hæc omnia fata,
Seu bona seu mala sint, solus Is Autor erit.
Ergo clara Domus suffundere lumina rore
Define, nam Dominus vulnera tanta facit!
Hic ferat auxilium moestis, Domuique medelam,
Addat nec Patriæ vulnera vulneribus!

Ad tumbam de Patria optime meriti

B. Dni Proconsuli fudit lugens

DANIEL KOEHLER.

Ecclesiastes ad D. M.

Heu! quam flebilis, hic jubet vacare
Casus attonitos dolori acerbo,
Nostræ qui cito mentis auffert omnes
Vires, concutiens tenella corda?
Nam cum sustulimus mali molesta
Multæ quaæ Procerum labor levavit;
En novissima deprimit vicissim
Clades moenia nostra, Stimulosque
Non opina, novos doloris addit!
Pro-Consul, Tua, Magne mors beata
Non satis lacrymanda, nos fatigat.
Assessor Themidis bonos per annos
Qui condignus eras, Decus, Corona,
Nostri Thorunii, potissima pars:
Cives hac ratione plus gubernans
Ut cujusque salutis effet acris
Prima Cura Tibi; Stetit bonus, TE
Dirigente, Deo sacratus Ordo,
Cunctis felicitas fuit perennis.
Ast; O tempora nunc inauspicata!
Mortis, queis subitæ nocivatela
Hoc in funere multa damna linquunt.
Hinc Patrum Patriæ dolor; Canitque
Odas cum gemitu Cohors fidelis;
Hinc Cives, chara Pignora, ac Marita,
Effundunt lacrymas in ore acerbæ.
Sed Benigne Deus Levamen adde,
Omnes firma animos, repelle luctus.
Serva Nutritios, rege & Regentes,

Hæc in Communi luctu vovens apposuit

MICHAEL Ringeltauben jun.

p. t. Adjunctus Eccl.

Inscriptio Sepulchralis.

Magnificus Præ-Consul obit, nulli arte secundus,
SCHULTIUS en Prudens, Clarus & ingenio:
Eheu! Thoruniense Decus, Generosa Propago.

Nulli unquam nocuit fraudibus atque dolis Profuit

JOHANNES HEDD. G. M. 1700

Profuit ast semper Templisque Scholisque benigne;
Consiliis Patriam juvit & Äquus erat
Inclytus Hic Vir, dum finitur Vita Laborum,
Eccur tam cito nos deseris, Alme PATER?
Eccur officium tam Sanctum deseris, atro
Inficiens Cives Syrmate Templa, Scholas?
OVIR Nestorea semper dignissime vita!
Assignata TIBI TE vacat hora necis.
Nos Manes Cineresque TUos veneramur honore
Assiduo cunctis Devenerande SENEX.
Regna ubi Ter benedicta TRIAs sine fine beatus,
Sidera ceu fulgens, in rutilante Polô.

Condolente apposuit manu
GODOFREDUS CHOLEVIUS
Eccles. Grembocinensis.

Quem quondam Tyrio velavit murice uestis,
Qui patulis nostris sanctaque jura dedit;
Quemque perorantem stupefactis auribus hausit
Curia, compositum flebilis urna capit.
Scilicet æternam sancita ex lege tenorem.
Neglecto rerum fædere, fata tenent
Cum Doctis ditum densari funera, mistos
Subque umbras vegetis vidimus ire senes.
Non tamen enecto mors omnia corpore finit,
Fama sed evictos effugit acta rogos.
Viris adhuc, nomenque Tuum, famamque loquentur
Lustra renascentem cum Pietate tuam.
Æthera jam victor superas palmamque capessis,
Exhaustoque Deus membra labore levat.
Vos animum querulo, Satis, dissolvite luctu,
Corda nec injecta tundite pulsa manu
Casibus exemptus dubiis, fatisque malignis
Adspicit in Cælo jam sine fine DEUM,
Offaque constructo requiescant aggere, tellus
Passaque sit cineri non onerosa Sacro.

Condolens apposuit Patrono, Patria
quondam Patri gravissimo
JOHANNES HELD P. Gursk.